

ՓԱՍՏԱԲԱՆՆԵՐԻ ՊԱԼԱՏԸ ՀՅՈՒՐԸՆԿԱԼԵԼ Է ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ ՈՒՍԱՆՈՂՆԵՐԻՆ

17.03.2023 10:47



Փաստաբանների պալատում ուսանողների և աշակերտների գիտակրթական շրջայցերը մշտական բնույթ են կրում:

Այս անգամ Փաստաբանների պալատը հյուրընկալել է Գիտությունների ազգային ակադեմիայի Իրավաբանական կլինիկայի մագիստրատուրայի ուսանողներին:

Նրանց ողջունել է Փաստաբանների պալատի նախագահ Սիմոն Բաբայանը:

Փաստաբանների պալատի նախագահն ապագա իրավաբաններին ներկայացրել է Պալատի կառուցվածքը, փաստաբանական գործունեության առանձնահատկությունները, ինչպես նաև պատասխանել է ուսանողների մի շարք հարցերի, որոնք վերաբերվում էին փաստաբանի վարքագծին, հանրային պաշտպանների աշխատանքին ու արդար դատաքննության իրականացմանը:

Այնուհետև հյուրընկալված ուսանողներին հնարավորություն է ընձեռնվել շրջելու Փաստաբանների պալատի վարչական շենքում և անմիջականորեն ծանոթանալու Փաստաբանների պալատում, Փաստաբանական Ակադեմիայում և Հանրային պաշտպանի գրասենյակում տարվող աշխատանքներին:

Փաստաբանական ակադեմիայում ուսանողները ծանոթացել են ընդունելության պայմաններին և ուսուցման մեթոդներին:

Սիմոն Բաբայանը նրանց ներկայացրել է ընդունելության կարգը՝ նշելով, որ ընդունելության և որակավորման քննությունները այնպիսի մեխանիզմով են կառուցված, որ նվազեցված է մարդկային գործոնը:

Հանրային պաշտպանի գրասենյակում նրանց ներկայացվել է հանրային պաշտպանության կարևորությունը, պաշտպանների գործառույթները և դատական գործերում նրանց կողմից ներկայացուցչություն կամ պաշտպանություն իրականացնելու պայմանները:

Պալատի նախագահը ընդգծել է, որ փաստաբանների կողմից տարվում է լայնածավալ աշխատանք՝ հասարակության շրջանում իրավագիտակցության բարձրացման և քաղաքացիների իրավունքների

պաշտպանության նպատակով:

Շնորհակալություն հայտնելով փաստաբանության
նկատմամբ հետաքրքրություն ունենալու համար՝
Փաստաբանների պալատի նախագահը հույս է
հայտնել, որ ներկա ուսանողներից շատերն
ապագայում կհամալրեն փաստաբանների շարքերը:













```
BACK $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```